

衡州府志卷之一

知衡州府事豐城饒侗重編

星野

太乙辰居環拱惟星在天成象在地成形仰觀俯察占步有經三垣攸列九野斯憑南楚入軫自昔所稱惟天道遠惟人祇承上名天和爰致休徵庶民異好能勿兢兢

分野考

左傳鶉尾為楚

史記翼軫荊州

衡州府志

卷之一

星野

一

春秋元命苞軫星散為荊州

西漢志翼軫楚之分野今之南郡長沙皆楚分也

費直周易起張十三度至軫七度為鶉尾荊州

分

蔡邕月令章句起張十二度至軫六度謂之鶉尾

班固三統歷自張十七度至軫十一度為鶉尾

於辰在巳分野屬荊州

陳卓郡國躔次自張十七度至軫十一度為鶉

尾於辰在巳

皇甫謐世紀自張十八度至軫十一度曰鶉尾  
之次於辰在巳謂之大荒落於律爲夷則斗建  
在申今楚分野

星經南宮赤帝其精朱鳥爲七宿井首鬼目柳  
喙張噤翼翻軫尾司夏司火司南嶽

唐書天文志翼軫鶉尾也初張十五度餘千七  
百九十五秒二十二太中翼十二度終軫九度  
自房陵白帝而東盡漢之南郡江夏東達廬江  
南部濱彭蠡之西得長沙武陵又逾南紀盡鬱

衡州府志

卷之一

星野

二

林合浦之地自沅江上流西達黔安之左皆全  
楚之分自富昭度象龔繡容白廉州以西亦鶉  
尾之墟古荆楚鄖都羅權巴夔與南方蠻貊之  
國翼與味張同象當南河之北軫在天關之外  
當南河之南其中一星主長沙逾嶺徼而南爲  
東甌青丘之分安南諸州在雲漢上源之東陽  
宜屬鶉火而柳七星張皆當中州不得連負海  
之地故麗於鶉尾

邢昺爾雅疏長沙軫十六度今長沙寶慶衡州  
岳州所屬巴陵臨湘平江等地

按晉書云桂陽入軫六度長沙入軫十六度而漢費肅蔡邕班固魏陳卓及唐書皆未有以楚屬軫十度者而爾雅邢昺疏則又分註鑿鑿焉爲識之以俟叅稽

### 星考

軫宿步天歌四星似張翼相近中央一箇長沙子左轄右轄附兩星軍門兩黃近翼是門西四箇土司空門東七烏青並子青並之下名器府器府之星三十二已上便是太微宮黃道向上看取是

### 衡州府志

#### 卷之一

星野

三

史記荊州麗北斗權星

廣雅荊屬衡星

星經熒惑主霍山荆揚交州

史記天官書軫爲車主風其旁有一小星曰長沙星

正義軫四星主冢宰輔臣又主車騎亦主風占明大則車騎用長沙一星在軫中主壽命占明則主長壽子孫昌

張衡周天大象賦爰周翼軫厥土惟荆驅風驛之千乘奏雲門之六英長沙明而獻壽車轄明

而陳兵青丘陰於韓貊器府總於琴笙軍門坐  
甲於軍闡司空掌土於司平

後漢書天文志北斗玉衡第四星主荊州常以  
五卯日候之癸卯爲長沙

唐天文志南紀之東至南河之南爲荆楚得純  
乾之位故鶉尾直建巳月內列太微爲天廷其  
分野自南河以負海亦純陽地也布太微之政  
而在巽維外者鶉尾也故爲列山之墟斗杓謂  
之外廷陽精之所布也杓以治外故鶉尾爲南  
方負海之國其神主於衡山熒惑位焉

衡州府志



卷之一

星野

四

按傳曰天道遠人道邇星野之說原極微茫故  
各省郡邑志於星野一條闕焉其亦歐公書人  
不書天歟顧保章之法相沿已久而星土之精  
可資修省今仍述之惟於翼軫加詳焉而諸志  
之旁摭遠引者固可不備載也

天文翼星圖



翼二十二星十八度七十七分距中央西第二星去極一百四十度


衡州府志

卷之一

星圖

五

天文軫星圖



軫四星十七度距西北星去極一百三度半右轄星去極一百一十度半左轄星去極一百一十度半